

Orémus.

Dómine Deus omnípotens, qui Fílium tuum unigénitum, Redemptórem nostrum, in stábulo nasci, et inter duo animália in præsepío reclinári voluísti: béne ✠ dic, quæsumus, hoc stábulum, et defénde illud ab omni nequítia vel versútia diabólicæ fraudis; ut juméntis, pecóribus, ceterisque animántibus efficiátur locus sanus, et ab omni impugnatione secúrus. Et quóniam cognóvit bos possessórem suum, et ásinus præsepe dómini sui: misericórditer tríbue fámulis tuis, quos ad imáginem tuam creásti, paulo minus ab Angelis minuísti, et sub quorum pédibus subjecísti oves et boves univérsas, însuper et pécora campi; ne comparéntur juméntis insipiéntibus, et ne fiant sicut equus et mulus, quibus non est intelléctus; sed te solum Deum auctórem bonórum ómnium agnóscant, et in servítio tuo fidéles perseverént, quátenus de percéptis munéribus tibi grátias exhibéntes, beneficia potióra percípere mereántur. Per eúndem Christum Dóminum nostrum. **R.** Amen.

Deinde, si tunc in stabulo congregata fuerint animalia, addere poterit Sacerdos sequentes Orationes: Omnípotens sempitérne Deus, qui gloriósum etc. et Benedictiónem tuam etc. uti supra in Benedictioe equorum et animalium. pag. 69*

Postea adspargat aqua benedicta stabulum et animalia.

Benedictio ad omnia.

Hæc benedictionis formula adhiberi potest a quovis Sacerdote pro omnibus rebus, de quibus specialis benedictio non habetur in Rituali Romano.

V. Adjutórium nostrum in nómine Dómini.
R. Qui fecit cœlum et terram.
V. Dóminus vobíscum.
R. Et cum spírítu tuo.

Orémus.

Deus, cujus verbo sanctificántur ómnia, benedictiónem tuam effúnde super creatúram istam (**vel** creatúras istas): et præsta, ut quisquis ea (**vel** eis) secúndum legem et voluntátem tuam cum gratiárum actióne usus fúerit, per invocatiónem sanctíssimi Nóminis tui, córporis sanitátem, et ánimæ tutelam, te auctóre, percípiat. Per Christum Dóminum nostrum. **R.** Amen.

Deinde illam (vel illas) Sacerdos adspargit aqua benedicta.

BENEDICTIONES RESERVATÆ

AB EPISCOPO VEL SACERDOTIBUS FACULTATEM
 HABENTIBUS FACIENDÆ.

Benedictio solemnior novæ crucis.

Nova crux, seu tabula, in qua Crucifixus est depictus, hoc modo benedicitur. Paratis thure, thuribuloque cum igne, aqua benedicta, Sacerdos delegatus superpelliceo, stola, et pluviali rubri coloris indutus, stans dicit:

V. Adjutórium nostrum in nómine Dómini.
R. Qui fecit cœlum et terram.
V. Dóminus vobíscum.
R. Et cum spírítu tuo.

Orémus.

Béne ✠ dic, Dómine Jesu Christe, hanc crucem tuam, per quam eripuísti mundum a potestáte diabóli, et superásti passióne tua suggestórem peccáti, qui gaudébat in prævaricatióne primi hóminis per ligni vétiti sumptiónem. Qui cum Deo Patre et Spírítu sancto vivis et regnas in sœcula sœculórum. **R.** Amen.

Orémus.

Rogamus te, Dómine sancte, Pater omnipotens, sempitérne Deus: ut dignéris benedícere ✠ hoc signum crucis tuæ, ut sit remédium salutáre géneri humano: sit solíditas fidei, proféctus bonórum óperum, redéptio animárum: sit solámen et protéctio ac tutéla contra sæva jácula inimicórum. Per Dóminum nostrum Jesum Christum Fílium tuum: Qui tecum vivit et regnat in unitáte Spíritus sancti Deus, per ómnia sæcula sæculórum. **R.** Amen.

Deinde dicit voce mediocri, extensis manibus ante pectus, Præfationem.

V. Per ómnia sæcula sæculórum. **R.** Amen.

V. Dóminus vobíscum.

R. Et cum spírítu tuo.

V. Sursum corda.

R. Habémus ad Dóminum.

V. Grátias agámus Dómino Deo nostro.

R. Dignum et justum est.

Vere dignum et justum est, æquum et salutáre, nos tibi semper et ubíque grátias ágere, Dómine sancte, Pater omnipotens, ætérne Deus: cujus sanctum ac terríbile Nomen, inter céteras visíbles creatúras, ligna quoque fructífera laudáre ac benedícere non cessant: qui in figúram unigénitæ Sapientíæ tuæ ligno vitæ a princípío paradísium voluptátis ornásti, ut ejúsdem fructu, sacro mystério, Protoparéntes nostri géneris mortem cavére, et vitam admonéres obtinére perpétuam: quique nos vétitæ árboris attáctu justæ morti addíctos, ejúsdem coætérnæ tibi Sapientíæ, Dei et Dómini nostri Jesu Christi, innóxia morte ad vitam misericórditer revocáre dignátus es: Te súpplices exorámus, ut hoc singuláre signum, quod ad exéplum primi illíus sacratíssimi vexílli, quo pretiósó Fílii tui sán-

guine triumphásti, fidélium tuórum devotióne compáctum, erectúmque est, cœlésti tua bene ✠ dicti-
ne sanctificáre dignéris; ut ómnibus hic génu-
a flecténtibus, ac tuæ Majestáti supplicántibus, lár-
gior et cordis compúnctio, et admissórum indulgéntia
concedátur, atque intercedénte ipsa victoriosís-
sima unigéniti Fílii tui passióne, et tibi plácita po-
stuláre, et cítius váleant postuláta percípere. Da,
quæsumus, clementíssime Pater, in quo vívimus,
movémur et sumus: ut, quóties triúmphum divínæ
humilitátis, quæ supérbiam nostri hostis dejécit,
óculis intuémur quotiésque mente recólimus, et
contra hostem ipsum fidúciam fortitúdinis, et ma-
jórem tibi devótæ humilitátis grátiam consequá-
mur: quátenus in illo treméndo tuæ Majestátis ex-
ámine, cum pavéntibus eleméntis, cœlorúmque
commótis virtútibus, signum istud gloríficum red-
emptiόνis nostræ apparúerit in cœlo, ipsi de morte
ad vitam transíre, ac perpétua beatæ resurrecti-
onis vidére gaúdia mereámur. *Quod sequitur, dicitur sub-
missa voce legendo, ita tamen quod a circumstantibus audiri possit:*
Per eúndem Dóminum nostrum Jesum Christum
Fílium tuum: Qui tecum vivit et regnat in unitáte
Spíritus sancti Deus, per ómnia sæcula sæculórum.
R. Amen.

Orémus.

Deus, qui beatæ crucis patíbulum, quod prius
erat sceléstis ad pœnam, convertísti redéptis
ad vitam: concéde plebi tuæ, ejus vallári præsidio,
cujus est armáta vexílló.

Sit ei crux fidei fundaméntum, spei suffrágium,
in advérsis defénsio, in próspéris adjuvámen:
sit ei in hostes victória, in civitáte custódia, in
campis protéctio, in domo fultúra: ut per eam Pa-
stor in futúro gregem consérvet incólumem, quæ

nobis, Agno ✠ vincēte, convērsa est in salūtem. Per eūndem Dóminum nostrum Jesum Christum Fílium tuum: Qui tecum vivit et regnat in unitáte Spíritus sancti Deus, per ómnia sǎcula sǎculórum.

R. Amen.

Orémus.

Sancti ✠ fica, Dómine Jesu Christe, signáculum **S**istud passiónis tuæ: ut sit inimícis tuis obstáculum, et credéntibus in te perpétuum efficiátur victóriæ vexillum: Qui cum Deo Patre vivis et regnas in unitáte Spíritus sancti Deus, per ómnia sǎcula sǎculórum. **R.** Amen.

Tum offertur Sacerdoti thus in navicula, quod stans benedicit, dicens:

Orémus.

Dómine Deus omnipotens, cui assístit exércitus Angelórum cum tremóre, quorum servítium spirituále, et ígneum esse cognóscitur: dignáre respícere, bene ✠ dícere, et sancti ✠ ficáre hanc creatúram incénsi, ut omnes languóres, omnésque infirmitátes, atque insídiæ inimíci, odórem ejus sentiéntes, effúgiant, et separéntur a plásmate tuo; ut numquam lædátur a morsu antiqui serpéntis, quod pretiósó Fílii tui sánguine redemísti. Per eūndem Christum Dóminum nostrum. **R.** Amen.

Quo facto, Sacerdos imponit thus in thuribulum. Deinde adspergit crucem aqua benedicta, et mox eam incensat. Tunc dicit adhuc stans:

Sanctificétur lignum istud in nómine Pa ✠ tris, et Fí ✠ lii, et Spíritus ✠ sancti: et benedictio illius ligni, in quo membra sancta Salvatóris suspénsa sunt, sit in isto ligno; ut orántes, inclinántesque se propter Deum ante istam crucem, invéniant cörperis et ánimæ sanitátem. Per eūndem Dóminum nostrum Jesum Christum etc. **R.** Amen.

Tum Sacerdos flexis ante crucem genibus ipsam devòte adorat, et osculatur. Idem faciunt quicumque alii voluerint.

✠ Si vero crux est ex metallo vel lapide, loco præcedentis Orationis, videlicet: Sanctificétur, etc. Sacerdos stans dicit sequentem Orationem:

Deus glóriæ, Deus excélse Sábaoth, fortíssime Emmánuel, Deus Pater veritátis, Pater sapiéntiæ, Pater beatitúdinis, Pater illuminatiónis ac vigilatiónis nostræ; qui mundum regis, qui cuncta regna dispónis, qui es bonórum collátor múnorum, et bonórum ómnium attribútor; cui omnes gentes, pópuli, tribus et linguæ sérviant; cui assístit omnis Angelórum légio; qui largiris fámulis tuis fidem et laudem tui nóminis, ut débíta tibi obláta persólvant; cui prius fides offeréntium cómplacet, deinde sacrificátur oblátio: quæsumus exorábilem misericórdiæ tuæ pietátem, ut sancti ✠ fices tibi hoc signum crucis, et cónse ✠ cres, quod tota mentis devotióne famulórum tuórum religiósá fides constrúxit, trophæum scilicet victóriæ tuæ ac redemptiόnis nostræ, quod in amórem Christi triumphális glória consecrávit. Adspice hoc signum crucis insuperábile, per quod diaboli exinaníta est potestas, mortálium restitúta libértas: quæ licet fúerit aliquándo in pœnam, sed nunc versa est in honórem per grátiam, et quæ reos quondam puniébat supplício, nunc et nóxios absólvit a débito. Et tibi quid per hoc placére pótuit, nisi id, per quod tibi plácuít nos redímere? Et nullum tibi débito amplius munus est, quam quod tibi nunc cörperis dedicávit affíxió: nec tibi est magis familiáris oblátio, quam quæ familiári mánuum tuárum extensióne sacráta est. Illis ergo mánibus hanc crucem accípe, quibus illam ampléxus es, et de sanctitáte illius hanc sancti ✠ fica: et sicuti per illam mundus expiátus est a reátu, ita offeréntium famulórum

tuorum animæ, devotissimæ hujus crucis mérito, omni cáreant perpetrato peccáto, et tuæ veræ crucis obtéctu enitescant succéssibus assíduis triumphatóres. Rádiet hic unigéniti Fílii tui Dómini nostri splendor divinitátis in auro, émicet glória passiónis ejus in ligno; in cruce rúilet nostræ mortis redémptio; in crystálli splendóre vitæ nostræ purificátio. Sit suórum protéctio, spei certa fidúcia; eos simul cum gente et plebe fide confírmes, spe et pace consóciat; aúgeat triúmphis, amplíficet in secúndis, proficiat eis ad perpetuitátem témporis, ad vitam æternitátis, ut eos temporáli floréntes glória múniat, et ad perpétuam redémptos corónam, ad regna cœléstia poténti virtúte perdúcat. Præsta per propitiatióem sánguinis ejus, per ipsum datórem qui seípsum dedit redemptiõem pro multis, qui se hóstiam pro delictis offerre dignátus est, qui exaltátus in ligno crucis suæ principátus et potestátes humiliávit, qui tecum sidéreo cónsudet throno, indissolúbili connexiõe Spíritus sancti, per infinita sæculórum sœcula. **R.** Amen.

Tum Sacerdos flexis genibus, eam devote adorat, et osculatur. Idem faciunt quicumque alii voluerint.

Benedictio ostensorii

pro Ss. Sacramento fidelium venerationi
exponendo.

V. Adjutórium nostrum in nómine Dómini.
R. Qui fecit cœlum et terram.
V. Dóminus vobíscum. **R.** Et cum spíritu tuo.

Orémus.

Omnípotens sempitérne Deus, vásculum istud, pro Fílii tui Dómini nostri Jesu Christi Córporis fidelium veneratiói exponédo fabrefáctum, bene ✠ dicere, et sancti ✠ ficáre dignáre: ut omnes,

qui eúmdem Unigénitum in hoc sáculo pio afféctu venerántur, et in futúro perpétuam pietátis suæ mercédem accípiant. Per eúmdem Christum Dóminum nostrum. **R.** Amen.

Deinde Sacerdos ostensorium adspergat aqua benedicta.

Benedictio capsarum

pro Reliquiis Sanctorum includendis.

V. Adjutórium nostrum in nómine Dómini.
R. Qui fecit cœlum et terram.
V. Dóminus vobíscum. **R.** Et cum spíritu tuo.

Orémus.

Béne ✠ dic, Dómine, cápsulam hanc Sanctórum tuórum Reliquiis condéndis præparátam: et præsta; ut quicumque eas pro mentis afféctu veneráti fúerint, ipsis Sanctis tuis intercedéntibus, ómnium delictórum suórum véniam obtíneant, et contra omnes adversitátes tuo semper muniántur auxílio. Per Christum Dóminum nostrum. **R.** Amen.

Deinde Sacerdos adspergat capsam aqua benedicta.

Benedictio vasorum

pro sacris oleis includendis.

V. Adjutórium nostrum in nómine Dómini.
R. Qui fecit cœlum et terram.
V. Dóminus vobíscum. **R.** Et cum spíritu tuo.

Orémus.

Bxaúdi Dómine, Pater clementíssime, preces nostras: et hæc purificánda vasa, Ecclésiæ tuæ sacri ministérii úsui præparáta, bene ✠ dicere et sancti ✠ ficáre dignéris. Per Christum Dóminum nostrum. **R.** Amen.

Orémus.

Omnípotens sempitérne Deus, a quo ómnia immúnda purgántur, et in quo ómnia purgáta claréscunt: súpplīces omnipoténtiam tuam invocámus; ut ab his vasis, quæ tibi ófferunt fámuli tui, omnis spírītus immúndus confúsus longe discédat, et per tuam bene ✠ dictionem ad usum et ministérium Ecclésiæ tuæ sanctificáta permáneant. Per Christum Dóminum nostrum. **R.** Amen.

Deinde adspergit ea aqua benedicta.

**Benedictio sacrorum vasorum
et aliorum ornamentorum in genere.**

V. Adjutórium nostrum in nómine Dómini.

R. Qui fecit cœlum et terram.

V. Dóminus vobíscum. **R.** Et cum spírītu tuo.

Orémus.

Exáudi Dómine, Pater clementíssime, preces nostras: et hæc purificánda vasa et ornámenta sacri Altáris, atque Ecclésiæ tuæ sacri ministérii úsui præparáta, bene ✠ dícere, et sanctificáre dignéris. Per Christum Dóminum nostrum.

R. Amen.

Orémus.

Omnípotens sempitérne Deus, a quo ómnia munda purgántur, et in quo ómnia purgáta claréscunt: súpplīces omnipoténtiam tuam invocámus; ut ab his vasis et ornámentis, quæ tibi ófferunt fámuli tui, omnis spírītus immúndus confúsus longe discédat, et per tuam benedictionem ad usum et ministérium sancti Altáris et Ecclésiæ tuæ sanctificáta permáneant. Per Christum Dóminum nostrum. **R.** Amen.

Deinde adspergit ea aqua benedicta.

**Benedictio simplex novæ campanæ
quæ tamen ad usum Ecclesiæ non inserviat.**

V. Adjutórium nostrum in nómine Dómini.

R. Qui fecit cœlum et terram.

Psalmus 50.



Miserere mei, Deus: * secúndum magnam misericórdiam tuam.

Et secúndum multitudinem miseratiónum tuárum: * dele iniquitátem meam.

Amplius lava me ab iniquitáte mea: * et a peccáto meo munda me.

Quóniam iniquitátem meam ego cognóscō: * et peccátum meum contra me est semper.

Tibi soli peccávi, et malum coram te feci: * ut justificéris in sermónibus tuis, et vincas cum iudicáris.

Ecce enim in iniquitátibus concéptus sum: * et in peccátis concépit me mater mea.

Ecce enim veritátem dilexisti: * incérta et occúlta sapiéntiæ tuæ manifestásti mihi.

Adspérges me hyssópo, et mundábor: * lavábis me, et super nivem dealbábor.

Auditui meo dabis gáudium et lætítiam: * et exultábunt ossa humiliáta.

Avérte fáciem tuam a peccátis meis: * et omnes iniquitátes meas dele.

Psalmus 53.

Deus, in nómine tuo salvum me fac: * et in virtúte tua júdica me.

Deus, exáudi oratióem meam: * aúribus pécipe verba oris mei.

Cor mundum crea in me, Deus: * et spírītum rectum innova in viscéribus meis.

Ne projicias me a fácie tua: * et Spírītum sanctum tuum ne auferas a me.

Redde mihi lætítiam salutáris tui: * et spírītu principáli confirma me.

Docébo iniquos vias tuas: * et impii ad te converténtur.

Libera me de sanguínibus, Deus, Deus salutis meæ: * et exultábit lingua mea justítiam tuam.

Dómine, lábia mea apéries: * et os meum annuntiábit laudem tuam.

Quóniam si voluisses sacrificium, dedíssem útique: * holocaustis non delectáberis.

Sacrificium Deo spírītus contribulátus: * cor contrítum et humiliátum, Deus, non despícies.

Benigne fac, Dómine, in bona voluntáte tua Sion: * ut ædificéntur muri Jerúsalem.

Tunc acceptábis sacrificium justítie, oblatiões et holocausta: * tunc impónent super altáre tuum vítulos.

Glória Patri.